



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MDLX. ad annum MDCXXIII.

**Parisiis, 1644**

Indictio Fvtvri Concilii Qvinti Provincialis.

**urn:nbn:de:hbz:466:1-15522**

GREGORIVS MEDIOLAN. IV. MAXIMILIANVS II.  
P. XIII. IMP. 475

ANNO  
CHRISTI  
1576.  
INDICTIO FVTVRI CONCILII  
QVINTI PROVINCIALIS.

*Carolus miseratione diuina tituli sanctæ Praxedis sanctæ Romanae ecclesiæ presbyter cardinalis, sanctæque Mediolanensis ecclesiæ archiepiscopus.*

**O**MNIBVS & singulis reuerendissimis dominis episcopis, qui hic adsunt, & Synodo prouinciali Mediolanensi, quacumque ratione interesse debent, omnibusque item capitulis, & ecclesiarum cathedralium procuratoribus, indicimus, significamus, denuntiamus, & intimamus, proximam sequentem Synodum prouincialem Mediolanensem quintam Deo omnipotente auctore, & ad eius laudem, hac eadem in vrbe, hoc ipso loco, anno 1579. die septima mensis Maii proxime sequentis, qui dies erit feria quinta dominicæ secundæ post pascha resurrectionis Domini nostri Iesu Christi, inchoandam & celebrandam esse. Quamobrem eos omnes, & singulos reuerendissimos dominos episcopos monemus: procuratores vero ecclesiarum cathedralium inuitamus, vt eo die ad Synodum prouincialem quintam, iuuante Deo, Mediolani celebrandam, constituto, hic omnino intersint, nisi diem celebrationis ipsius Synodaliqua ex causa a nobis prorogatum fuisse nostris ad eos datis literis intellexerint. Quod si ipsorum reuerendissimorum episcoporum nostrorum aliquis legitimo tunc detenus erit impedimento, nuntium, procuratoremve ad se excusandum, atque ad id impedimentum probandum, ad nos mittat; cui etiam facultas ab ipso detur, ea omnia, & singula, nomine suo & ecclesiæ suæ recipendi, quæ, diuina gratia auxiliante, in ipsa Synodo a nobis de consilio & assensu reuerendissimorum coepiscoporum nostrorum constituentur, decernenturve.